

DECRETA S.<sup>MI</sup> D.<sup>NI</sup>  
D. CLEMENTIS  
PAPÆ VIII.

Pro reformatione Fratrum Ordinis Eremitarum  
Sancti AVGUSTINI.



R O M Æ,

Apud Impressores Cameraleſ. M. DC.

R. 93974

1606



# FR. FVLVIUS ASCVLANVS

Vicarius Generalis Apostolicus, Ordinis Fratrum  
Eremitarum S. Augustini licet indignus.

Ven. in Christo dilectis, quarumcumque Prouinciarum, & Con-  
gregationum, eiusdem Augustinianæ Familiæ Patribus, ac  
Fratribus. salutem in Domino Sempiternam.

**T**SI certò scimus Predecessorem nostrum Reuerendissimum P. Generalem Magistrum Alexandrum Senensem, per quascumque Prouincias, & Congregationes nostri Ordinis Eremitarum S. Augustini promulgasse S. D. N. Clementis VIII. Decreta pro reformatione eiusdem nostri Ordinis Fratrum Eremitarum S. Augustini, quia tamen eorundem Decretorum obseruantiam, in præcipuis maximè, nostræ Religioniis Conuentibus vehementer cupimus, ( quemadmodum ter, & quater publicis nostris literis, hanc nostram mentem declarauimus ) eam ob rem hæc Decreta nunc typis depromere iussimus: & cunctis Prouincijs, Congregationibus, & maioribus nostri Ordinis Conuentibus, transmitti curabimus: quo executioni ea mandentur, & nullus sit frater noster, qui de eis ignorantiam pretendere valeat. Atque ut cuncta ista seruentur, cum Diui P. N. Augustini regula, semel in septimana etiam vobis legantur. Donet Dominus, ut obseruetis hæc omnia, tanquam spiritualis pulchritudinis amatores, & bono Christi odore, de bona conuersatione fragantes, non sicut servi sub lege, sed sicut liberi sub gratia constituti. Bene in Domino valete.



# CLEMENS PAPA VIII.

- 1 **N**ihil omnino praetextu cuiuscumq; priuilegijs, vel superioritatis, etiam Generalatus, à seruitio chori censeatur immunitis, nisi pro tempore, quo quis in proprij officij munere actu fuerit occupatus. Cum lectoribus autem, & Prædicatoribus, superiores ijs tantum diebus, quibus eos legere, aut prædicare contigerit, dispensare possint; Idem quoq; præstare valeant cum ægrotis, & studiorum causa legitimè impeditis. In eos vero, qui negligentes, aut inobedientes fuerint, salutari penitentia superiores animaduertant ad præscriptum Regulæ, & Constitutionum, alimenti etiam si opus fuerit subtractione.
- 2 Lectio Sacræ Scripturæ, vel casuum conscientiæ bis in hebdomada præscriptis diebus in singulis conuentibus habeatur, ad quam fratres omnes conueniant, eaq; absoluta mutua collatione circa explicatam doctrinam sese utiliter exerceant.
- 3 Quo Tridentini Concilij Decreta de Paupertatis voto custodiendo fideilius obseruentur; Præcipitur, vt nullus ex fratribus, etiam si superior sit; bona immobilia, vel mobilia, aut pecuniam, prouentus, census, eleemosynas, siue ex concionibus, siue ex lectionibus, aut pro Missis, tam in propria Ecclesia, quam ybicunq; celebrandis, aliquè ipsorum iusto labore, & causa, & quocunq; nomine acquisita, etiam si subsidia consanguineorum, aut piorum largitiones, legata, aut donationes fuerint, tanquam propria, aut etiam nomine Conuentus possidere possit: sed ea omnia statim superiori tradantur, & conuentui incorporentur, atq; cum cæteris illius bonis, redditibus, pecunijs, ac prouentibus confundantur, quò communis inde vivitus, & vestitus omnibus suppeditari possit.
- 4 Neq; superioribus, quicunq; illi sint, ullo pacto liceat eisdem fratribus, aut eorum alicui bona stabilia, etiam ad usufructum, vel usum, administrationem, aut commendam, etiam depositi, aut custodiæ nomine concedere.
- 5 Eorum vero, quæ ad necessitatem concessa erunt, nullus quicquam possideat, vt proprium, neque vt proprio vtatur.
- 6 Qui in præmissorum aliquo deliquerit, penas, nedum à Concilio Tridentino præscriptas: sed alias quoque multo grauiores, superiorum arbitrio imponendas, incurrat.
- 7 Nulla quorumcunq; superiorum dispensatio, nulla licentia, quantum ad bona immobilia, vel mobilia fratres excusare possit, quo minus culpe, & penæ ab eiusdem Concilij Decretis impositæ, & ipso facto incurrendæ, obnoxij sint, etiam si superiores assuererent hmoi dispensationes, aut licen-

A 2 tias



tias concedere posse, quibus in ea re fidem minimè adhiberi volumus.

- 8 Fratrum vestitus, & suppellex cellarum ex communi pecunia comparetur, & omnino uniformis sit fratrum, & quorumcūq; superiorum statuq; paupertatis, quām professi sunt, conueniat: ita ut nihil superflui admittatur; nihil etiam, quod sit necessarium alicui denegetur.
- 9 Quæcūq; fratrum vesteſ, siue laneæ, siue lineæ, omnisq; alia suppellex in aliquem cōmodum Conuentus locū deferantur, ibiq; ab uno, vel duobus fratribus huic muneri deputatis diligenter custodiātur, vt inde superioris arbitrio, prout vnicuique opus fuerit, subministrare opportunè possint.
- 10 Omnes etiam superiores, quicunque illi sint, eodem pane, eodem vino, eodemq; obſonio, siue eadem (vt aiunt) pitantia, in communi mensa prima, vel secunda, niſi infirmitatis cauſa impediti fuerint, vescantur; neque singulare aliq; quo priuatim quisque in cibum vtatur, vlo modo affiri possit, ſi quis in ea re peccauerit, nihil ea die alimenti percipiat, niſi panem, & aquam.
- 11 Superiores omnes etiam Generalis; qui redditus, aut præstationes pecuniales ratione officiorum habent, eorum accepta, & expensa in libro distincto fideliter, & diligenter adnotari current, neq; in alios vſus, quām ratio ne officij ſui necessarios, quicquam expendant. Cum verò contigerit ipſos, in aliquo Conuentu commorari, eam pecunię quantitatē in communi conferant, ex qua ſibi, & ijs, qui ſecum erunt, vietus ad præscriptum Regulæ, & Constitutionum ſuppeditetur.
- 12 Nullus ex superioribus locorum administrationem bonorum, aut aliarum rerum, dispensationemq; pecuniarum, & reddituum ſui conuentus, etiam nomine conuentus, per ſeipſum habere, ſiue exercere poffit; ſed vniuersum id onus tribus fratribus eiusdem conuentus à Generali ita demandetur, vt vnuſ rerum, & bonorum, reddituumq; colligedorum, ac exigendorum curam habeat; alter tanquam Depositarius; pecunias, ac cætera ab illo collecta, & exacta fideliter afferuet; aliis de pecunijs, & rebus à Depositario acceptis Priori, & fratribus, ac Conuentui vniuerſo de necessarijs; mandante tamen ipſo Priore, non ſecundum proprium aſſetum: ſed iuxta charitatis regulam veluti bonus dispensator prouideat officiorum huiusmodi confuſione penitus interdicta.
- 13 Cæterum hi tres, tam impensi, quām accepti ſingulis mēſibus ſuo Priori adhibitis ēt duobus, vel tribus fratribus eiusdem Conuentus probatoriis, rerumq; vſu peritis, rationem reddant. Deinde ipſimet rursus præſentibus Priori, & peritis predictis, Generali, cum Aſſistentibus, cum aduenient: deniq; ipſe Generalis, ac Aſſistentes in quolibet proximo Capitulo Generali ſaltem coram tribus iudicibus, ab ipſo Capitulo ad hoc constitutis

tutis illorum omnium, vniuersamq; suę administrationis, tā publicè, quām priuatè rationem reddere teneantur, cuius etiam exemplum authenticum ex actis Capituli describatur, ad hoc, vt ad omne mandatum nostrum, vel Sedis Apostolicæ Romam transmitti possit.

14 In vno quoq; Conuentu fratrum, is tantum deinceps constituatur, & in posterum retineatur numerus, qui ex redditibus illius proprijs vel ex cōmunib; consuetis, vel etiam singulorum eleemosynis, alijsuè quibuscūq; obuentionibus in commune ( vt præfertur ) conferendis, commodè possit sustentari: redditus verò, & supradicta omnia in communi loco, ac tuto, diligenter afferuentur.

15 Superioribus autem, nec Concilij Tridētini, aut hæc nostra Decreta declarare, interpretari, aut relaxare vlo modo possint, omninò interdicimus, & prohibemus, decernentes irritum, &c. si quis autem contra præsumpserit attentare, is eo ipso omni gradu, officioq; priuatus, & ad ea perpetuò inhabilis existat.

16 Nullus nisi actu legat, vel prædicet, aliquo sui gradus priuilegio gaudeat.

17 Si alicui ex necessaria causa, Generalis iudicio probanda, socius ex eodē ordine, qui illi ministret cōcedendus erit, is nisi vigesimumquintum agat annum, & qui communi seruitio sit deputatus, non concedatur, & si commodè fieri potest, sit Laicus conuersus.

18 Vt omnis scandalorum, & vagationis occasio tollatur, Conuentus clausura perpetuò, ac diligenter seruetur, ac propterea à Superiore Ianitor cōstituatur, qui diligentia, ac morum integritate maximè commendetur: is ianuæ custodiendæ semper assistat, eamq; nemini fratum aperiat, nisi socium, & exeundi licentiam obtinuerit.

19 Nullus à Conuentu egredi audeat, nisi ex causa, & cum socio, licentiaq; singulis vicibus impetrata, ac benedictione accepta à Superiore, qui non aliter eam concedat, nisi causa probata, sociumq; exituro adiungat, non petentis rogatu: sed arbitrio suo, neque eundem s̄epius. Licentiae verò Generales exeundi, nulli omninò concedantur.

20 Contrauenientes autem poena graui, etiam carceris ad Superioris arbitrium plectantur, eandem etiam Ianitor subeat, si sciens exeundi facultatem fecerit.

21 Cum autem quis in Conuentum reuertitur, Superiore iterum adhibet benedictionem recepturus, qui à socio itineris rationem, & quid rei actum sit diligenter perquirat.

22 Nulos fratres Romam venire Superiores permittant, nisi prius à Generali, vel Protectore dumtaxat licentiam in scriptis impetraverint.

23 Si quis autem sine hmōi facultate Romā venire præsumpserit, voce actua, &



- ua, & passiuā biennio priuatus existat, subiturus etiam alias arbitratu Superiorum infligendas pœnas. Quæ item omnia aduersus eos, qui supradictos admiserint, & receperint sine vlla exceptione locum habeant.
- 24 Habeat Superior clauem ita fabrefactam, vt cum sibi videbitur, cellas omnes reserare possit, & propterea nullus cellam, etiam noctu ita claudat, quin semper à Superiore possit aperiri.
- 25 In medio Dormitorij totam noctem lampas colluceat.
- 26 Nullus ēt superior cellas, siue in claustro, siue alibi separatas à communis Dormitorio habeat: sed vnuſquisque vnica cella, eadem cum cæteris aliorum fratrum coniuncta, nudis omnino parietibus, ac lecto, & mensa humilibus, vniſormique ſuppelleſtili ( vt præfertur ) quemadmodum Religiosos decet, contentus fit. possit tamen Generalis vna cum suis Assistantibus alicui ex Superioribus Conuentuum ſi eorum muneris, & officij necessitatem id exigere cognouerit, alteram etiam cellam concedere.
- 27 Cellæ, siue ædicolæ, que extra Dormitorium separatim ſunt; ad officinas, aut alias ad communem uſum, & commoditatem Conuentus redigantur.
- 28 Sigillatim ſuo quisque lecto cubet, neq; vllibi duo eodem lecto dormire poſſint, qui omnes ad certam formam redigendi erunt.
- 29 In priuatis cellis nulli camini permittantur, sed omnes obſtruantur statim, cardinibus etiam è parietibus conuulfis, vt res illa non ad tempus facta, ſed perpetuò duratura videatur, cellis tamen Generalis, aut alterius Superioris, ac Prædicatoris exceptis.
- 30 Conuentus fenestræ omnes, que in vias publicas, aut in vicinas laicorum ædes proſpiciunt, muro ita obſtruantur, vt oīnō is prospectus impediatur.
- 31 Valetudinarium in ſingulis Conuentibus certo, ac ſalubriori loco conſtituatur, quod pro loci ſitu, ac fratum numero, quoad fieri poterit, comodiſſimum eſſe poſſit, in quo fratres omnes, cum ægrotabunt, curentur, nec inde niſi recuperata ſanitate abire permittantur. Qui verò infirmorum curæ præpoſiti ſunt, omni ſedulitate, ac charitate operam ſuam preſtabunt, ac curabunt, ne quid ægrotis omnino deſit, quod ad ſanitatem recuperandam pertineat.
- 32 Ineat ratio, qua, ſublatiſ licentijs, ac facultatibus hactenus quibuscumq; confeſſis degentes extra Conuentus clauſtra, ad ea quamprimum reucentur, nec de cætero niſi ex grauiflma cauſa à Sede Apostolica probanda, huiuſmodi Facultates concedi poſſint.
- 33 Nulli in posterum ad habitum, aut professionem admittantur, niſi in Conuentibus per Sedem Apostolicam in qualibet Prouincia deputandis.
- 34 Curent Superiores, vt Constitutio interdicens largitiones munerum, & præscribens hospitalitatis formam ab omnibus in quolibet Conuentu



uentu inuiolabiliter obseruetur .

35 Ut omnis officiorum ambitus occasio precludatur, caueant omnes à directa, vel indirecta vocum, seu suffragiorum procuratione, tam pro se ipsis, quam pro alijs , tum in Capitulis locorum, tum in cæteris præsertim Generalibus Capitulis, aut Congregationibus, seu alibi . Quicunque secus fecerint, præter alias poenas, & censuras hactenus contra huiusmodi ambientes inflictas, quas in suo robore permanere volumus , in poenam priuationis officiorum, quæ obtinent eo ipso incident, & ad futura quæcumq; pariter inhabiles habeatur, super quo cum eis dispensari à nemine possint, nisi à nobis, vel successoribus nostris, & pro qualitate culparum grauius etiam plectantur . Porrò supradictas omnes poenas ad complices, ac simpliciter scientes, & non reuelantes extendimus.

36 In superiorum , & officialium omnium electionibus forma præscripta à sacro Concilio Tridentino, & ordinis Constitutionibus inuiolabiliter seruetur, iurentq; electores secundum veritatem cuiusq; conscientiæ probiores, ac magis idoneos se electuros, ac propterea priusquam ad electionem deueniatur, in primis, & ante omnia prælegantur Constitutiones de qualitate, & requisitis eligendorum . Ad officia gradus, & Prælaturas illi præcipue elegantur, qui possint, & consueuerint regulas ordinis, & Constitutiones obseruare , præsertim quæ pertinent ad seruitium Chori, ac vestitum , & victum communem .

37 Eligantur in Capitulo Generali, vel Prouinciali aliquot graues, & periti ex fratribus cuiuslibet Prouinciae, saltem tres, qui admittendos ad prædicationem Verbi Dei , vel ad audiendas confessiones ēt ipsorum fratrum, ac Lectores publicos diligenter simul examinent, priusquam probetur, & ad hūmōi ministeria admittantur . Horum etiam curæ sit examinare, & probare, tam quoad doctrinam, q; quoad mores promouendos ad quoscumque ordines, in quo seruerur decretū Congregationis interpretum Sacri Concilij Tridentini, hac de causa nuper æditum, & promulgatum .

38 Illud porrò superiores omnes in Domino admonemus, vt memores sint rōnis , quam in nouissimo die reddituri sunt pro Grege sibi commisso , ac ppea omni studio inuigilent, vt quæ in eorundem ordinis, regulis, & Constitutionibus de oratione mentali, silentio, ieunijs , Capitulo culparum , alijsq; spiritualibus exercitijs prudenter, ac piè sancita sunt, ea omnia , & singula ad vnguem obseruentur; intelligantq; super his veluti fundamen-tis oīum Religionum edificia construenda, & amplianda esse, quæ vt faciliorem exitū sortiantur, & fructus vberiores in animis fratrum producant, valdē opportunum erit, si in quolibet Conuentu, singulis hebdomadis habeatur sermo de religiosa disciplina, regularijs obseruantia .

39 Quo

- 39 Quo verò omnia ordinatè peragantur, appendatur tabella in loco conspicuo vniuscuiusque Conuentus, in qua distinctè adnotetur quid singulis horis, cuiusq; diei quilibet frater præstare debeat, vt certo quoque signo præmonitus, maiore animi præparatione suo muneri satisfacere possit. Quæ ordinis Constitutiones, his Decretis non aduersantur, in uiolatè custodiendæ erunt.
- 40 Quibus horum Decretorum capitibus certa pœna præscripta non est, arbitrio Generalis, vel alterius immediati superioris infligatur. Ut autem hæc Decreta (donec alia, quæ ad pleniorē supradicti ordinis reformationem facient, ædantur) ab omnibus obseruari possint, districtè præcipimus Generali, ac omnibus alijs quibuscumque superioribus, ad quos hoc spectat, vt current, ac efficiant, ea omnia inter alias eorundē Ordinis Constitutiones perpetuò valituras redigi, interdicta omnino eorum singulis facultate illas declarandi, & aduersus eas vñquam dispensandi. Alioquin sciant se in pœnam Generalatus, & officiorum priuationis, ac inhabilitatis perpetuæ, ad alia quoque munera ipso facto, & sineulla exceptione respectuè incidisse.
- 41 Ne verò prætextu dilatè publicationis eorum obseruatio, quoquo modo differri possit, aut impediri, volumus, vt post illorum publicationem in Conuentu Sancti Augustini de Vrbe factam, Generalem, aliosq; ordinis Superiores, cæterosq; quoscumq; fratres præsentes, statim; reliquos verò absentes citra Montes, vnius Mensis; ultra Montes, trium Mensium spatio ita arcent, ac si eorum singulis personaliter intimata fuissent.
- 42 Insuper mandamus, quod Generalis in singulis Conuentibus citra montes vnius mensis; ultra verò montes trium mensium cursu Decreta supradicta publicari faciat, sub pœna priuationis Generalatus, alijsq; arbitrio nostro imponendis. Datum Romæ apud Sanctum Petrum, die 25. Mensis Iulij M. D. X C I X.

A. Sorbolongus Secr.